

www.BibleForChildren.org

Matiu 8




Palu ravata leghuna kudori Zisas Filipi ghe Nafaneli, kaике varihio neke auna ka ia malau fafaana Kena aianihi Galili. Ia nona uke Zisas neke holara haroma ka varihio ianimu. Zisas nia ira nona mane nonomoho e ghua, dike fangari haro molamo ta mala la holarana ka varihio ianimu.



E deo ngama ge nogha ghu ia mahai varighara, to age nogha ghu ia waeni. Kahe ghua tuna iahi ka Zisas neke ghua nona uke, “Maneri dito noghari waeni,” neke ghua ghini. Ghe nona uke neke va kahe ghidi ira noniriva, “Ghau o riva ghidi ma heve leghutau ta va kahe ghini ghauna manei.” neke ghua ghidi.



Va kahe ghidi tuna ira noniriva ta va foudu
ghidi ketuhura ira zagi, neke ghua Zisas,
dike va foudu luavurari ghu.



Ianimu tuna ghe neke va kahe ghidi nga manei, “Tokolo kaveri keha kolo o hio laori ghu ka ia mane ta manefaana mahai varighara ini,” neke ghua ghidi. Hio vanani lao tuna manei, dike ghua.



Ne ketuhu va sisiva ghini ghu ia kolo manefaana mahai
varihio ini, ia kolo neke to kusu fihiki ka waeni. Manei e
deo geke avohi ghena ghu,
hae mo neke sipa mehana
mu waeni iahi, ghe ira
noniriva dike tokolo
kaveio mu dike avohi
mo.



Ianimu tuna ghe neke kudo nenemai nga ia mane neke varihio no, neke va kahe ghini ghu, “Leghu noni nga mu e kusu vanadi tudu ma ia waeni ta toraina vaha. Ka leghuna tato age hio va tehi ketuhuo maneri ghe, ge va kave vanadi nga tuna mu ia waeni ta deo ge suri vaha ghu.”



“Ghe agho mu noto ke naini ma ta dufu ini ghu
ghatunaina ia waeni ta toraina vaha,”
neke ghua ghidi.




Zisas neke riva ghini va kenuna hahaima ia hi ka ia
malau fafaana Kena ka ia Babarana
Galili. Aianimu neke va
podolina manei ia nona
varanga, dike va
hohoghonai ghu ira nona
mane ta nonofoi.



Ne la dufu ghu Zisas ka ia sugana Pita,
manei neke fini ia nona vasagha Pita
neke epuepu fogara ka ia vavage, torai
faa vananina dangava.



Ne posi laoi ghu manei ia kamena, ia fogara to age
nogha ma, nia to tetu vona ma tuna, geto ke va tana
vanani mahai ghu Zisas, neke ghua.




Ka ia eroai laona ia taunu ka saighona ianimu, tehi noni ta fogara, nia ta sukuri nazahi e ghua, dike hio meharira ka Zisas. Ira tehi nonidi hae ghe hae ghu aianihi Kapaniumu, dike varighara ka peghuruna ia makatana.



Zisas neke va doliri tehi noni ta fogarari ka ira sopai kokolodi lelemeana nga, nia neke tavusu kairi ira tehi nazahi ka ira noni, e ghua. Ghe Zisas deo geke va malumuri ghu ira nazahi ta ngengenena, vununa maneri dike to kusu avohi, manei mu ia Va Doli, ta ghuana.



Maneri haroharo dike va sisiva posi lao ka manei,
vununa ia mana ka God neke la meha ka manei,
dike la vaha ghedi ghu ira noni haroharo.



Keha nonira dike sabara meha tareme hadi rodana
mane ta hurei ka ia natu kaike mane ta doli nga, ghe
tato leme kamoto ia tinina.



Di deo boka fuludu laodira ka Zisas
ka ira tehi noni, dike vona ghu ka
ia rangana peghuru mo, ka ia
fatena suga ta sare.



Ianimu tuna ghe dike rivai korosa
podolo nga ka ia kava kiriufu ka ia
fatena suga fafatana fatena
Zisas.



Tokeni tuna gedi va hinaei ghu ia
mane ta fogara, ka ia nona
natu, ka ia torai kenuna
Zisas, dike ghua.



Ka ia fafata finini manei ia va hohoghona ka mane irahi,
Zisas neke kahei ka ia mane
ta leme kamoto ia tinina,
“Tuuguo, ira sasakeu
nato kai hazari,”
neke ghua
ghini. “!Tetu vona,
o hioi ghu nou natu
nia, o leghu gheu
ghu ka sugauo!”
neke ghua ghini.



Ianimu tuna ghe, neke haghe
vona nga Zisas ka ia koaka
leghui harona ira nona mane
ta nonofoi, dike tatanigai
fera kadolo ghu ka ia
Lokana Galili.



Heve ba ne ghua ma, neto raza ghu ia leghahai
tapaoho ta mamaghuana ka ia
loka, dike posa haghele ghu ira
olo'olobaghe ka ia gilion
koaka. Ghe Zisas
neke epu ghena.



Ghe Zisas neke ungene tughuri, “?Heve ghe no puina maughemu nga ghau? !Maughegu nga la mo ka puina rekahanara va hohoghona nia ka ghau!” Ianimu tuna ghe neke tetu vona nga manei neke buruai ghu ia dafe nia ira olo'olobaghe, neke age au ghu ia leghahai bule. Maneri haroharo ka koakana dike age puina nodi fere, dike

kahe ghua ghu iahi, “?Mane hevena mamu baini mu iahi?” dike ghua. “!Ira dafe nia ira olo'olobaghena ghe, tadi nomohini manei!”



Vununa God neke puina namaha ghidi
fuludu ira noni ka malau iahi peka, neke
tuhu hinae mehai ghu ia Tuuna kaikena,
mala heiri haroharo ta va hohoghona
ka manei e deo ghu boka age
lemedira, nga edi age hioi
ia doli ta au
toghunai.



Romu 3:23

Vununa ira leghu noni nga dito ke sasake, di hau ghu
ka ia puhina God ia ta pelara varanga,

Romu 6:23

Vununa ia tabarana sasake mu leme, nga ia kaikadolo ka
God mu, doli soduai ka Zisas Kraes ia noda Lod.

Hiburu 9:27

Taghe ta ghua lama ghita noni ta mala leme kaike
fafata mo, nia leghuna ianimu ge age fate
ghita ghu God ia ta ghua.



Efesasi 2:8,9

God neke hio va doli ghau ka ia nona varisute ta vanamu kakato manei, ka ia fafata va hohoghonamu ghau ka Kraes. Vununa neke ghidi keha leghutau noke riva ghidi ghau ghe neke hio va doli ghau nga God eka ghua ghu. Iahi mu kaike kaikadolo sipa mehana ka God. Ia hio va doli mu eka tabaradi ghu ira leghutau ta veva dake riva ghidi va hokotoro ghita, e deo ghu go boka mala hadu varanga ghini ghu ghau.

Romu 10:9,10

Ianimu ghu mu, noto kahe kavei ia agho ka paeteunia, “Zisas mu Lod” ta ghuana, nia va hohoghonai tuna ka ia hihingou neke va tetuleghuina God ka ia leme ta ghuana, God e age hio va doligho ghatu. Vununa ghita da va hohoghona, ne nai va lotoro ghita ghu God ka ia nahalina taghonai, nia vununa ghita da kahe kavei ia noda va hohoghona, ne hio va doli ghita ghu God.



Zone 3:16,17

Vununa God neke puina namaha ghidi fuludu ira noni ka malau iahi peka, neke tuhu hinae mehai ghu ia Tuuna kaikena, mala heiri haroharo ta va hohoghona ka manei e deo ghu boka age lemedira, nga edi age hioi ia doli ta au toghunai. Vununa God e deo geke tuhu hinae mehai ghu ia Tuuna ka malau iahi peka mala faterira ira noni, nga mala meha hio va doliri maneri, neke ghua.

1 Zone 5:11-13

Iahi ghu mu neto ke turi ghini kavena God: God neto ke vanada ia doli soduai, e meha ghu ka ia Tuuna manei mu doli iahi. Hei ia ta au parekete lao ka ia Tuuna mu, e kurui doli iahi; nga hei ia ta deo ge parekete lao ghu ka ia Tuuna God mu, e deo ge aui ghu doli soduai iahi. Ara mu na kangava agei iahi ka ghau ira ta va hohoghona ka ia babaolona ia Tuuna God, o mala avohi ghu ghau ta kuru ghauna doli soduai.



Matiu 8-9; Maki 1-2, 4; Luku 4, 8; Zone 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Zabana Bible (kji) © 2022, Islands Bible Ministries.
All rights reserved.

<https://www.bible.com/bible/3629/GEN.1.KJI>

©2026 Bible for Children, Inc.

www.M1914.org

www.bibleforchildren.org

